

ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ԷԶՄԻԱԾՆԻ ՍՈՒՐԲ ԱՍՏՎԱԾԱԾԻՆ ԵԿԵՂԵՑՈՒՄ

Սեպտեմբերի 28-ին, երեկոյան ժամերգութիւնից հետո, Ս Աստվածածին եկեղեցում տեղի ունեցավ Հարութիւն Քեսաբյան, Արսեն Ազարյան, Հայկ Իսայան և Արմեն Խլղաթյան սարկավագների քահանայական կոչման արարողութիւնը՝ Հանդիսապետութեամբ Արմավիրի թեմի առաջնորդ Տ. Ասողիկ եպս. Արիստակեսյանի: Արարողութեանը մասնակցում էին նաև բազմաթիւ հոգևորականներ ու Հավատացյալներ: Համաձայն Հայ Եկեղեցու կարգի, վկայութիւն տրվեց ընծայացուների հոգևոր պատրաստութեան, վարքի վերաբերյալ, և ապա վերջիներս Հանձնառու եղան լինելու Տիրոջ դեսպաններն ու հովիւները այս աշխարհի վրա, հրաժարվեցին և նզովեցին բոլոր հերձվածողներին ու նրանց ուսուցումները և խոստացան «աշակերտիլ ու հետեիլ» Առաքելական Եկեղեցու Հայրապետների ու վարդապետների ուսուցումներին:

Սեպտեմբերի 29-ին, կիրակի օրը, Ս Պատարագի ընթացքում, տեղի ունեցավ ձեռնադրութեան արարողութիւնը՝ ձեռամբ պատարագիչ Տ. Ասողիկ եպս. Արիստակեսյանի:

Ընծայացուները ծնրադիր բարձրանում են Ս. Խորան և, բազմութեան կողմը շրջվելով, աշխարհից հրաժարման իրենց ուխտն են կատարում՝ ձեռքերը վեր բարձրացնելով: Երգչախումբը կատարում է «Աստվածային և երկնավոր շնորհ» երգը, որին Հավատացյալները պատասխանում են «Արժանի են» վկայութեամբ:

Սուրբ Պատարագը շարունակվում է մինչև «Ողջոյնի» պահը, և կանոնական աղոթքների ընթերցումից հետո ընծայալներին տրվում են փիղոն և պատարագչի զգեստներ, և վերջիներս զգեստավորված գալիս են Ս. Սեղանի առջև: Գերաշնորհ Տ. Ասողիկ եպիսկոպոսը սրբալույս մյուռոնով օծում է ընծայալների ճակատը և ձեռքերը՝ նրանց վերակոչելով՝ Հարութիւն սարկավագին՝ Տ. Հարութիւն քահանա, Հայկ սարկավագին՝ Տ. Մաշտոց քահանա, Արմեն սարկավագին՝ Տ. Սարգիս քահանա, Արսեն սարկավագին՝ Տ. Վահան քահանա: «Ողջոյնի» ժամանակ սրբազանը և ներկա հոգևորականները համբուրեցին նորած քահանաների ճակատը և ձեռքերը: Հավուր պատշաճի քարոզ խոսեց պատարագիչ սրբազանը՝ նորապսակ քահանաներին հաջողութիւններ մաղթելով իրենց ծառայութեան մեջ: